



SULEQATIGIISITSISUT
SAMARBEJDSPARTIET

UKA2019/138

Tillie Martinussen

16. oktober 2019 – 1. behandling

Kinguaassiuutitigut meeqqanik atornerluisoqarsimatillugu pineqaatissiisarnerup sakkortusinissaanik Nunatsinni unnerluussisussaatitaasut kaammattorneqarnissaat siunertaralugu Naalagaaffeqatigiinnermi oqartussaasut saaffigineqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut Ilaasortaq Sofia Geisler, Inuit Ataqatigiit)

Pinerluttuunermik tunngavik atuutilersinneqarami pisoqalereernikuuvvoq

Pinerluttuunermik tunngaveqarneq tamrmi annertunerusumik annikinnerusumilluunniit misileraanermik tunngaviusumik eqqarsartaaseqarluni pinngorpoq immaqalu 50-ikkunni 60-ikkunnilu iluangitsooreersimalluni, pineqataatissiissutini taamanikkut assersuutigalugu ilinniagaqarnissamik pineqatissiissut ilangnguneqarneq ajormat. Taamanikkut ilimagineqarpoq avatangiisit qaninnerit inuit attaveqatigiittarnerat eqqarsaatigalugu iliuuseqartarnermik aaqqiinnissamut ikiutissasut aallaavigalugu sulisoqassasoq, kisiannili taamanikkulli paasivarput nutaaliortoqaleriartortoq inuillu illoqarfinni katersuukkiartulersut, taamaammallu ataatsimoorluni tunngavimmi aallaavigineqartutut imminut ilisimasareqatigiinneq pinnagu saniatigut attaveqartoleriartoqartoq Taamanikkumiit maannakkumut inuunerup pitsaasumik ingerlanneqarnissaanut akuttunerusumik eqqartuussisoqartapoq akuttunninerusumillu akiliisitsisoqartarluni, inissiisoqartarlui imaluunniit pinerluuteqartoq inissinneqarnermini suliffeqarsinnaapput taamaallaat inuunermik pitsaasumik ingerlasitsiniartoqartarluni il.il.

Akornusissuinerit, filmit meeqqanik atoqateqarnermik imaqtut, filminik meeqqanik atoqateqarnermik imartunik pigisaqarneq, internetimi attaveqaqatigiittarfiit internetikkullu meeqqanik uukapaatitsiniartarneq

Suleqatigiissitsisunut uagutsinnut qularutissaanngilaq kinguaassiuutitigut innarliinerit suliani qanorluunniit ittuni pingaartumillu meeqqanik kinguaassiuutitigut innarliinerit pillugit suliani pineqaatissiissut sakkortussusii appasippallaarujuussuartut innarliisarnerullu siunissami unitsinnissaat isiginiarneqartarani. Nunatsinni suliaq kikkut tamarmik eqqaamagunarpaat, tassani angutip ataatsip pisarineqannginnermini meeqqanik 100-ngajannik innarliivoq. Naggataatigut imminut toquppooq, taamaattoqannginneranili inuiaqatigiit avatangiisimiittut tupatorujussuupput annilaarlutillu. Takussutissat takunngitsuussanngilagut. Uani aamma iliuuseqassaagut.

Nammeneq eqqaamasannit uparuarsinnaavara filminik meeqqanik atoqartarnermik imaqtunik pigisaqarnerit nunatsinni ukiorpassuani qanorluunniit pillarneqaatigineqarneq ajortut. Tamanna kukkunikkut nammeneq paasivara. Politiit taamanikkut qanoq iliorsinnaanngillat. Ilimagigutsigu uani allanngortitsisoqassaoq, aamma elektoniskinngortitat suliallu, meeqqanik internetikkut uukapaatitsiniaanerit aamma pinerluffigineqartunik ilaquaannillu akornusersuinerit isiginiarneqasapput. Suliaq annertusitinneqassaaq pinerluffigineqartullu annertoorujussuarmik ajoquserneqatsaaliorneqassallutik.

Innarliinerit asanninneq avatangiisinillu tatiginninneq aserortarpaat

Kinguaassiuutitigut innarliinerni ersarissumik takutitsiniaanerput ilaatigut iluatsinngilaq. Aamma kinguaassiuutitigut innarlerneqarnermi kingusissukkut kingunerluutit eqqartunngippallaapagut.



Naalakkersuisut saqqummersitaanni 2013-imeersumi meeqqanik kinguaassiuutitigut innarliinerit kingunerisartagaat arlallit allaaserineqarput; Nalunaarusiaq taaguuteqarpoq; Kinguaassiuutitigut innarlerneqarnerup kingorna kingusissukkut kingunerluutit pillugit iliuusissatut pilersaarut, taannalu kingulerluutit pillugit allaaserisat maannamut pitsaanersaraat.

Kingunerluutit pissutigalugit nunaqqatigut imminnut toqquuttut ukiut tamaasa annaasarpagut. Atuarpiartannginneq, ilinniarnerup taamaatinneq ilinniagaqannginnerluunniit, anniktsuinnarmik sulisarneq sulisannginnerluunniit, aamma annilaanganerit nikallungarujussuarnerillu kinguaassiuutitigut innarliinerit kingunerisinnaavaat. Aliatsannarnerpaalli tassaagunarput; ilaqtariittut inuunerissaannginneq, avatangiisut aataveqannginneq, inuit ataqatigiittarneranni peqataannginneq, inoqatinut tatiginnerpiannnginneq, ilaqtariinnut atassuteqannginneq asannissinnaannginnerlu. kinguaassiuutitigut innarliisoqarnerani innarlerneqartoq kisimi ukiorpassuarni sunnerneqarneq ajorpoq, aamma innarlerneqartoq, taassuma ilaqtai qanigisaalu sunnerneqartarpot aammali siunissami attaveqaqateqarnerat, suliffeqartarerat attaveqaqateqaleriartornerallu sunnerneqartarlutik. Taamaammat pinerluffigineqartup inuunera tamarmi aserorrneqartarpog.

Meeraalluni kinguaassiuutitigut innarlerneqarnikut inuuneq tamaat kanngusuttarput, naak namminneq kanngusuutigisussaanngikkaluarlugu, innarliisulli kanngusuutigisussaagalarlugu. Isertugaqartarpot, aatsaallu inersimasunngoraamik nipangiusimajunnaartarlugu. Kukkusuullutik, pisooqataallutik, inersimasuminnermi tamatigut ajortiasuulluinnarlutik ukiorpassuarni misigisimasarput. Innarlerneqarsimasulli ikii mamilinniarlugit annertuunik suliniuteqartariaqarpugut. Taakku kanngusussanngillat, nanertuuteqassanngillat pisimasumulluunniit akisussaasuussanatik. Innarliisup tamakku nammatassarai.

Inuaqatigiinnut imatut ersarissumik takutitsissaagut; pineqaatisiissutit imatut sakkortutigissapput kiap pisuunera nalorninarunnaarluni. Inatsimmi imatut TAKUTITSISOQASSANNGILAQ meeqqat imatut imatulluunniit iliormata innarliisoq qajassuunneqassaaq. Meeqqat meeraapput meeraasariaqarlutillu, kinguaassiuutit atortarnerannik inerikkiartorsinnaassapput sunilu pisuni tamani namminneq pillutik oqarsinnaasariaqarlutik, inersimasunit napparsimasunit tamassuma kingorna paatsuungasutut oqartunit atornerlunneqaratik. Meeqqat assigiinngitsunillu innarluutillit, meeqqat, sanngiitsut navianartumiittullu paarissallugit pisuussaaffeqarpugut. It takes a village, soorlu oqartartugut. Pinerluttulerineq pillugu inatsimmi taamatorpiaq takutitsisoqartariaqarpog. Inunnut ilisimallugu meeqqanik innarliisunut sakkortusisamik pillaasarnissaq anguniartariaqarpog, nalunaarutigiinnarnagu nipangiulluguluunniit akueriinnarnagu.

Atoqateqarnerunngilaq – pinngitsaalii neuvooq, innarlerneqartup PISUSSUTIGINNGISAANNARPA
Ilaqutasut akuttunngitsumik soriarsinnaaneq ajorput, aamma innarlerneqartorpassuit ilaqutasorpassuillu innarliisup pillarneqannginneranik sunnertisimanani luunniit eqqaminni angalaartumik takunnittarnerat akuerineqarsinnaanngilluinnarpoq.



SULEQATIGIISITSISUT
SAMARBEJDSPARTIET

Ajornerulersarpoq innarliisoq soqutiginninngikkangat qanorlu pisoqarsimasuusaartitsinani.

Innarlerneqartut nalornilersarput avatangiiserisallu innarlerneqartoq uppernarnersoq nalornissutigeleratarlugu.

Taamaammat oqaatsit atukkagut pingaaruteqarput.

Patsisilersorluni atoqatigiinneq pineqanngilaq, innarliisoqaraangat atoqateqarneq pineqanngilaq.

Pinngitsaaliineq pineqarpoq, innarlerneqartunik tarnikkut innarliineruvoq, taakku pisuussutiginnngikkaat pineqrpoq. Nammineq piumassutsimik iliuuseqarneq pineqanngilaq.

Atoqatigiinneq isumaqatigiilluni iliuusaavoq. Meeqqanut tamanut kinguaassiuutitigut innarliineq pinngitsaalineroovoq. Inersimasunut kinguaassiuutitigut innarliineq aamma pinngitsaalineroovoq.

Neriuppugut uani suliami tamanna erseqqisisilluinnarlugu takutinnejqassasoq.

Kinguaasiuutitigut innarliinerit assigiinngitsorpassuusinnaapput, amerlernerpaalli ataatsimu ilisarnaatigaat innarliisup innarlerneqartup pisooqataaneranik akuersisitsisarnera. Innalerneqartut internetikkut uukapaatittarpaat, sioorasaartarpaat, innarlerneqartut "silaqanngitsuussut" imaluunniit "salltuusut" avatangiisitik upperinnilersittarpaat. Namminneq pisuunertik isertorniarlugu innarlikkatik tamakatsertuusut oqaatiginiaqarsarisarpaat.

Isertorlutik innarliisarput – inersimasummi tamarmik tamanna eqqunngitsuusoq ilisimasarpaat.

Innarliisummi nalunngilluinnappaa ukiukitsunik atoqateqarneq eqqortuliornerunngitsoq aamma meeqqat inuusuttullu naaggaarsinnanngitsut

Innarliisut avatangiisiminnit ersigineqarnertik, taakku ilisimaatsuunerat, imminnut ataqqinninnerat imaluunniit kinguaasiuutitigut innarliinermik ilisimasaqannginnerat iluaqtiginiaqarsarisarpaat.

Suliniutit amerlanerpasuit

Tassani sakkortusisitsinerit kisimik atorneqarsinnaanngitallat, suliniuterpassuarnik malitseqartitsisoqartariaqarpoq, Killiliisa suliniutillu allat pitsasut piinnarnagit.

Ilisimasaqarfut annertuumillu innuttaasunik qaammarsaanissaq pisariaqartinneqarput. Meeqqanut inuusuttunullu isumannaatsumik internetimiissinnaanermik internetimilu inuit attaveqaqatigiittarfiiniissinnaanermik ilinniartitsinissaq pisariaqartinneqarpoq.

Suliamik ingerlatsisut meeqqanik innarliisimannginermik uppernarsaatnik piaartumik sumiluunniit tunniussinissaannik, inersimasut klubbini, timersornermi, atuarfimmi paaqqinnittarfinni meeqqanik suliaqartut meeqqat peqatigigaanngimmikit marluusarnissaannik periuseqarnermik atuutilersitsinissamik pisariaqartitsisoqarpoq,

Annertuumik katsorsaasarnissamik pisariaqartitsisoqarpoq, innarlerneqartut atoqatigiittarnermi, asanninnermi, attaveqatigiittarnermi, PTSD-mik takussutissaqarluni, nikallungarujussarnermik annilaanganermillu kingusissukkut kingunerlutsitsisarnerat pillugu paasisitsiniaanissamik pisariaqartitsisoqarpoq.

Kinguaassiuutitigut kanngutsaatsuliorfigineqartunut TAMANUT immikkut annertuumik suliniuteqarnissamik pisariaqartitsisoqarpoq, pingartumillu meeqqanik inuusuttunillu immikkut ilisimasalinnit katsorsaasarneq, asannilluni piginnaasaqarlunilu. Akeqanngitsumik, ingerlaannaq. Asannilluni. Eqqarsarlularluni.

Politiinut unnerluussisoqaraangat ingerlaannaq.

Meeqqat qanorluunniit ilioraluaraanni illersorneqassapput, politikkikkumut sangutitsinermi atorneqarunnaassapput piumasaannarmik iliorfigineqarunnaassapput, meeqqamut pitsaanermik



iliuuseqartassaagut:

Meeqcat nunatsinni pisuussutit pingaarnersaraat pitsaanerusunik suliffissaqarnissamut, pitsaanerusumik ilinniagaqalernissamut, pitsaanerusunik inatsiliortartoqarnissamut inuaqatigillu pitsaanerulernissaannut siunissaqarnermut tunngavissaq tassaniippoq.

Meeqcat namminneq kissaatiginagu inunngortarput, periarfissarpasuaqarlutik, tunngaviusumik asannillutik tunngaviusunillu pisinnaatitaaffeqarlutik.

Inersimasut uagut tamakku eqqortissavagut.

Meeqcat TAMARMIK pisuunngilat, ILLERSORNEQASSAPPUT

Meeqcat neriuutigaagut, erlinnartuuginarpaa vagut. Mikisunnguit pisuussuteqanngitsut cafeni, meeqlerivimmit aqqusinermi pisuttuartut takusartakkagut, inunngoraangata ilaqtariinni nalliuutorsiutigisartakkagut namminnerlu meeqqagut saannguatsinni namminneq inuuneqalerlutik inerikiartortartut, nunarsuarmut angalaalersartut nunarsuarlu pitsaanerulersillugu.

Meeqqa imaannaanngitsuupput. Asissujutsut, alapernaatsut, ammasut asannittullu. Nunarsuaq uagut takusimallugu eqqaamajunnaagarpal takusarpaat. Inersimasut qanigisamik paarissagaatik, inuaqatigii ajortumik pissanngikkaatik tatiginnittarput, inersimasullu imminnut paarinnittussat oqaassisqaartuunerat upperisarpaat

Meeqcat tallimaagaangata ataaseq kinguaassiutitigut kanngutsaatsuliorfigineqartapoq. Taamaammatt Suleqatigiissitsuni oqaaseq utertuarparput annertuunik suliniuteqarneq. Meeqcat tallimaagaangata ataaseq. Immaqalu paasinngissagut ilanngullugit.

Tamanna unitsinnejassaaq. Tamanna silaaruttutut illiluni iliorneq sivilsuallaamik ingerlanneqarnikod ingerlaannaq unitsinniarlugu ataatsimuussaagut.

Neriulluta innarlerneqartut ingerlalluassasut tunniutiinnartarnitta unitsinnissaa piffisanngorpoq. Meeqcat inuuusuttullu innarlerneqartarnerat akuersaarunnaarippu – akuersaaqqinngisaannassagippu – ataatsimoorluta nunami tamarmi – nunanilu allani – paatsuugassaanngitsumik takutinniarlugu innarlerneqartut peqatigalugit nikuilluta nilliaatiginissaa piffisanngorpoq. Oqaluttuarisaanitsinni pisut ajornersaata maanga killeqarnissaa piffissaalerlu, aamma innarlerneqarnikut ilaquaallu saqqummersnikut angusaqaratik saqqummersimanninnerat takutitsigu.

Ullut tamaasa anniaateqartarput, avatangiisit oqaluttuassartut ilisimavaat.

Meeqcat allat innarlerneqarnissaat pinngitsoortinniarlugu sapiissuseqarlutik saqqummerput.

Allat anniaateqarnissaat, naalliuuteqannginnissaat ullorpassuarnilu eqqarsaateqartarnissat, aliasunniit, taartuinnarnik isiginissaat qiasarnissaallu pinngitsoortinniarpaat.

Pimoorukkippot takutitsigut; tamanut kinguaassiutitigut innarliisoqarttarunnaassavarput – salliuutillugu meeqlanut inuuusuttunullu

Kalaallit Nunaali siulliulluni kinguaassiutitigut innarliisarunnaartitsinermik iluatsitsisoq, inuaqatigii ikitsunnguunerput uagutsinnut iluaqtissatut atortigu. Taamatut suliniuteqarneq annertunerungaartunik silatusaarlunilu paasisitsiniaarnernik, ilinniartitsinernik, katsorsaasarnernillu malitseqartinneqarli.

Maannakkut. Aningaasanut inatsimmit uanngaaniit. Ullumikkumiit.



Uaniilli innarleeriaannaasut INNARLIINNGINNERMINNI ikiortissarsiorsinnaanerat, allami periarfissaaginnarpoq, tigusarineqarnissaat taamatullu pinerluuteqarnermik annertuumik akisussaatilernissaat.

Kalaallit Nunaat tassaassanngilaq meeqqanik atornerluisartut innarliisartulluunniit eqqarsarfiat, eqqissillutik sakkukitsuararsuarmillu pillarneqariaannaallutik innarliisinnaallutik.

Kalaallit Nunaat tassaassaaq nuna imminut tanngassimaarutigisoq, ammit qalipaataat, nutsat qalipaataat, oqaatsit, isertitat suliffillu akimorlugit ataqtatigiiffiusoq ersarissumillu, avilortumik, oqarluni meeqqanik inuuusuttunillu innarliisarnerit inunnellu kikkuugaluartunut sunilluunniit innarliisarnerit

NAAGGAARLUINNARPAGUT.

Qaangiinissamik ikuunnissamut tamatta pisussaaffeqarpugut. Tamatta kinguaasiuutitigut innarlerneqasimasumik nalunngisaqarpugut. Taamaanngippat imaassinggaavoq avatangiisitit nipangiuassisut. Sooq nipangiussippat?

Pissutaavoq oqarnissap akisuallaarujuussuarnera. Innarliisoq pillarneqarpiarneq ajorpoq, pillarneqaruni. Innarlerneqartoq uppernarsaasussaavoq, oqalulluni innarliinerillu pillugit oqaluttuarluni, tamassumalu kingorna innarliisup pisutinneqannginnera takullugu. Inunnit upperineqaratik misigisarput imaluunniit inuit qanoq oqassallutik nalugamikku tunuinnartarlugit. Misigisarput inuit inissaqartinngikkaatik upperinngikkaatilluunniit. Misigisarput NAMMINNEQ kukkusuulliutik imminnullu pisuutilerlutik kanngusulerlutilu. Kisianni INNARLIISUP kukkusuuneranik misigissapput, inuttut namminneq kukkusuunatik.

Inuiaqatigijit qaamaassaqarnerat misigissavaat, pimoorunneqarlutik ulluinnarnilu peqataatinneqarlutik – nalunagu innarlerneqartutut kukkusuunatik, taamaallaat inuit napparsimasut naapissimallugit.

Erseqqissarneqartariaqarpoq innarlerneqartut taakkuninnga aqqusinermi naapitsinnginnissaat isumagineqartariaqartoq, innarlerneqartup pisariaqartutut isumaqarfigippagu isumaqatigiissitsiniartoqartariaqarpoq, tamatigulli innarlerneqartumut pitsaanerpaaq eqqaamaneqartassaaq.

Meeqqat inuuusuttullu isumaqarpiangitsumik pillaanissaq ukiuni 100-ni utaqqisarunnaassavaat. Meeqqat inuuusuttullu ukiorneqarnissaminnut utaqqisorpassuit akornanniissangillat.

Meeqqat inuuusuttullu kinguaasiuutitigut innarlerneqartut ingerlaannaq ikorneqartassapput.

Uagut inersimasut tamassumanu uummatitsigut mattusuujussanngilagut. Inoqatigut taamatut iliorfigineqartut takullugit anniaateqassaagut aliasuuteqarlatalu, tapersersussavagut, ikiussavagut, qaangiisissavagut, qaqillutik anersaartorluarsinnaalernissaasa tungaanut.

Eqqortumik ikiuisinnaanernissatta, pitsangortitsinissatta, sulianik sukkasuumik suliarinnittalernissatta, nalunaarutit politiinullu unnerluutiginninnerit sukkasuumik iliuuseqarfigisalernissaasa tungaanut suliniuteqartuassaagut.

Aamma taamatut pinerluuteqartut aqqusinermiikkunnaarsinniarlugit annertuunik suliniuteqassaagut sapinngisarpullu taamatut pinerluuteqaqqinnissaat pinngitsoortillugu.

Kinguaasiuutitigut innarliisarnerit akiorniarlugit suliniuteqarnerput oqaluttuarisaanermi pingaaruteqalissaaq - oqaluttuatsianngorlu



SULEQATIGIISSEK
SAMARBEJDSPARTIET

Maannakkut politikerit, maannakkut inuiaqatigiit meeqlanik inuuusuttunillu innarliisarernik suujunnaarsitsisutut oqaluttuarisaanermi pingaaruteqalissapput.

Oqaluttuaq iluatsitsiviussanersoq ilaatigut uagut nammineq aalajangissavarput, ataatsimoorluta ullumikkut nassuiaasersussavarput.

Suleqatigiissitsisut isumaqarpoq ullumikkut aallartinnerput iluatsitsingaarfiusasooq.

Sakkortusani pitsaanerusunillu pillaasarnikkut, innarliisut innarleeqqitsinnaveerlugit nutaanillu pinerlunnissat pinaveersimatillugit, aamma inuit allat inuunerannik atassuteqarnerannillu aseruisut sakkortuumik iliuuseqarfigisarlugit..

Immitsinnut taasarpugut inuit nunaat.

Taamatut isumaqavikkutta immitsinnut inoqatigullu paarilluassavagut inuillu inuuneri salliutillugit.

Tamanna uagut aalajangertussaavarput.

Meeqat inuuusuttullu tatiginninnerat, assanninnerat, attaveqaleriartortarnerat, qanilaarsinnaassusiat siunissaallu aamma uagut aalajangertussaavagut. Inatsisiliortutut, inersimasutut, inuttut.

Ataatsimoorta tamannalu aalajangerlugu. Taanaannarli kisiat ingerlannatigu.

Ataatsimoorutta isumaqarfigisatsinnit iliuuseqarsinnaanerujussuussaagut.

Taamatut oqaaseqarluta siunnersuutip uuma akuerineqarnissaa inassuteqaatigaarput.

Tamannali annertunerujussuarnik suliniuteqarernik malitseqartinneqarli. Imatut annertutigisunik innarliisut kinaluunniit akornuteqanngitsumik anersaartorsinnaallutik malugisinnaajunnartillugit.

Innarliinnginnerminni ikiortissarsiussapput, innarliisimanertillu pillugu annilaangassuteqassapput innarleeqqinnissartillu kissaatigeqqinqingisaannassavaat.

Kialluunniit kinguaassiuutitigut innarliinermi annertutigisumik inuup allap inuunera aserussanngilaa, pingaartumik meeqlanik innarliinermi.

Kialluunniit tamanna pisinnaatitaaffiginngilaa, ataatsimoorlatalu ersarissumik takutitsissaagut; innarliisarnerit peqqinniavianngillat. Maannakkut taamatut takutitsissaagut.